

ՀԱՇՎԵՏՎՈՒԹՅՈՒՆ

2018թ. ՀԱՄԱԳՈՐԾԱԿՑՈՒԹՅԱՆ ԵՎ ԿԱՊԵՐԻ ԲԱԺՆԻ ԿԱՏԱՐԱԾ ԱՇԽԱՏԱՆՔՆԵՐԻ ՎԵՐԱԲԵՐՅԱԼ

2018 թ. պլանավորած աշխատանքների գերակա ուղղություններն էին.

1.	ԱՐՏԱՔԻՆ ԿԱՊԵՐ ՄԻՋԱԶԳԱՅՆԱՑՈՒՄ		
1.1	Մշակել և հաստատման ներկայացնել համագործակցության և կապերի բաժնի գործունեության համար անհրաժեշտ փաստաթղթերը	Ա. Սանթոյան Գ. Դոխոյան Ամբիոնների միջազգային գործունեության պատասխանատուներ	Տարվա ընթացքում
1.2	Ընդլայնել ՎՊՀ-ի համագործակցությունը ներքին և արտաքին օղակների հետ (այդ թվում նաև հայաստանյան և օտարերկրյա բուհերի հետ)	Ա. Սանթոյան Գ. Դոխոյան Ռ. Աբովյան	Տարվա ընթացքում
1.3	Իրականացնել տեղեկատվական աշխատանք՝ ՎՊՀ-ի աշխատակիցներին և կրթական ոլորտի հաստատություններին դրամաշնորհային ծրագրերի, կոնֆերանսների, սեմինարների մասին իրազեկման նպատակով	Ա. Սանթոյան Գ. Դոխոյան Ռ. Աբովյան	Տարվա ընթացքում
1.4	Ակտիվացնել գործընկերային բուհերի հետ տարվող աշխատանքները՝ համագործակցության պայմանագրերն իրականացնելու համար	Ա. Սանթոյան Գ. Դոխոյան Ռ. Աբովյան	Տարվա ընթացքում
1.5	Համագործակցություն արտասահմանյան բուհերի հետ և նոր գործընկերների որոնում:	Գ. Դոխոյան Ռ. Աբովյան	Տարվա ընթացքում

Հաշվետվությունը ամփոփում է Համագործակցության և կապերի բաժնի գործունեությունը այս ուղղություններով, արձանագրելով՝

- դրական արդյունքները և ձեռքբերումները,
- թերի կատարված աշխատանքները և չիրականացված նպատակները և խնդիրները,
- վերլուծվում են օբյեկտիվ և սուբյեկտիվ պատճառները,
- ներկայացվում են չլուծված խնդիրների կարգավորման և իրականացման հնարավոր լուծումները:

1. Բաժնի և բուհի այլ ստորաբաժանումների միջև կապն ամրապնդելու, բուհի միջազգայնացման գործընթացը խթանելու և տեղեկատվությունն առավել արդյունավետ տարածելու նպատակով նշանակվել են 16 ամբիոնների միջազգային պատասխանատուներ, որոնց հետ կազմապերպվել են հանդիպումներ, որոնց ընթացքում նրանց ներկայացվել են իրենց պարտականությունները, տրվել է տեղեկատվություն Էրազմուս+ Հայկական բուհերի միջազգայնացման ռազմավարության և մարքեթինգի խթանում /Բուսթ նախագծի

վերաբերյալ՝ շեշտադրելով բուհի միջազգայնացմանը միտված գործունեության ծավալման անհրաժեշտությունը: Փետրվար ամսին կազմակերպվել է հանդիպում, որի ընթացքում մասնակիցներին ներկայացվել են միջազգայնացման ռազմավարության մշակման հիմնական դրույթները և իրականացվել է բուհի միջազգայնացման գործընթացի խթանմանը նպաստող քննարկում world cafe մեթոդով, որի ժամանակ վերհանվել են դասախոսներին հետաքրքրող խնդիրներ և կատարվել հետաքրքիր առաջարկություններ: Ապրիլ և մայիս ամիսներին կազմակերպվել են հանդիպումներ նույն խմբի անդամների և ստորաբաժանումների պատասխանատուների հետ, որոնց հետ իրականացվել է SWOT վերլուծություն: Վերհանվել են բուհի ուժեղ և թույլ կողմերը, քննարկվել են հնարավորություններն ու սպառնալիքները, որոնք հիմք են հանդիսացել ՎՊՀ-ի միջազգայնացման ռազմավարական պլանի բարելավման համար: Մշակված փաստաթուղթը ներկայացված է Էրազմուս+ Բուսթ նախագծի գործընկերներին, որոնց կողմից այն պետք է անցնի փորձագիտական քննություն:

Բուսթ նախագծի շրջանակներում Վանաձորի Հ. Թումանյանի անվան համալսարանում ս/թ հունիսի 12-ին կայացավ ազգային կոնֆերանս՝ նվիրված բարձրագույն կրթության միջազգայնացման ազգային ռազմավարության մշակմանը և հայաստանյան բուհերի միջազգայնացման ռազմավարական պլանավորմանը: Կոնֆերանսին հրավիրված էին ներկայացուցիչներ տարածաշրջանի բուհերից՝ Երևանի պետական համալսարանի Իջևանի մասնաճյուղից և Հայաստանի ազգային ագրարային համալսարանի Վանաձորի մասնաճյուղից և միջին մասնագիտական հաստատություններից (Վանաձորի պետական բժշկական քոլեջ, ՎՊՀ քոլեջ, Լոռու տարածաշրջանային պետական քոլեջ), որոնց հետ քննարկվեցին ուսումնական հաստատությունների միջազգայնացման հետ կապված խնդիրները և նրանց առջև դրված նոր մարտահրավերները: Այս կոնֆերանսը մարզի բուհերի միջազգայնացման ուղղությամբ տարվող դեռևս միակ միջոցառումն է, ինչը բարձր է գնահատվել Բրյուսելի մշտադիտակմանը ներկայացած փորձագետի կողմից:

2. Բաժնի գործունեության մասին և բազում այլ միջոցառումների մասին տեղեկատվություն տարածելու նպատակով փետրվար ամսից ստեղծվել է ֆեյսբուքյան էջ, որտեղ անընդհատ տեղադրվում են բաժնի կողմից կազմակերպված միջոցառումների հայտարարությունները, աշխատանքների արդյունքները, շարժունությանը մասնակցած ուսանողների տպավորությունները և բուհում տեղի ունեցած այլ միջոցառումների մասին տեղեկատվություն:

3. 2018 թ-ի հունվար ամսից փետրվարի սկիզբ ընկած ժամանակահատվածում բաժինը բուհի այլ ստորաբաժանումների և արտասահմանյան ու հայաստանյան բուհերի հետ ունեցած համագործակցության շնորհիվ ակտիվ մասնակցություն է ցուցաբերել Էրազմուս+ կարողությունների զարգացման դրամաշնորհային նախագծերի դիմում-հայտերի լրացման գործընթացում: Արդյունքում հաջողվել է դիմել թվով 18 նախագծերի, որոնք թեև չեն արժանացել դրամաշնորհի, սակայն բաժնի աշխատիկիցները, ինչպես նաև ամբիոնների այլ աշխատակիցները, ձեռք են բերել դրամաշնորհներին դիմելու փորձ: Արտասահմանյան շատ բուհեր այդ կարճ համագործակցության շնորհիվ արտահայտել են իրենց պատրաստակամությունը ՎՊՀ-ի հետ համատեղ կրկին դիմելու Էրազմուս+ կարողությունների զարգացման դրամաշնորհներին:

4. Գործընկեր որոշ համալսարանների հետ բաժինն իրականացրել է արդյունավետ համագործակցություն: Հատկապես Վոլգոգրադի պետական համալսարանի և ՎՊՀ-ի միջև համագործակցության շրջանակներում փետրվարի 2-ին պատմության ամբիոնի ներկայացուցիչների հետ համատեղ բաժինը մասնակցել է Ստալինգրադի ճակատամարտին նվիրված առցանց գիտաժողովին, որտեղ ներկայացվել են նույն ճակատամարտին մասնակցած հայերի, նրանց սխրանքների, ինչպես նաև ՎՊՀ-ի միջազգային գործունեության մասին տվյալներ: Այդ գիտաժողովում ցուցաբերած ակտիվ մասնակցության և համագործակցության հետագա խթանման նպատակով գործընկեր բուհը գործուղել է Վոլգոգրադի պետական համալսարանի կենսաբանության ամբիոնի դասախոս, կենսաբանական գիտությունների թեկնածու, դոցենտ Դմիտրի Աստախովին՝ կարգալու դասախոսություն ՎՊՀ-ի կենսաբանության ֆակուլտետի աշխատակիցների և ուսանողների համար: Այժմ բուհերի երկու ֆակուլտետների միջև տարվում են բանակցություններ համատեղ աստիճանաշնորհման ծրագրի մշակման ուղղությամբ:

Հոկտեմբերի 17 –ից 21-ը ՎՊՀ-ի «Ակտուարական և ֆինանսական մաթեմատիկա» և «Կառավարում» բաժնի ուսանողները մասնակցել են Վոլգոգրադի պետական համալսարանի կողմից կազմակերպված «Ժամանակը փող է» խորագրով ֆինանսական գրագիտության միջազգային գիտագործնական ֆորումին, որտեղ ՎՊՀ-ի թիմը զբաղեցրել է 3-րդ տեղը, իսկ «Ակտուարական և ֆինանսական մաթեմատիկա» բաժնի 3-րդ կուրսի ուսանող Գևորգ Հախվերդյանն արժանացել է առաջին մրցանակին:


5. Մագադանի Հյուսիսարևելյան պետական համալսարանի, Կազանի պետական բժշկական համալսարանի դասախոսները ներգրավվել են «Լեզուն և գրականությունը միջմշակութային հաղորդակցման համատեքստում» խորագիրը կրող V միջազգային գիտաժողովի խմբագրակազմում: Մարքեթինգի և սոցիալ-ինֆորմացիոն տեխնոլոգիաների ակադեմիայի ռեկտոր Ռ. Ադաբեկյանը և միջազգային պատասխանատու պրոֆ. Ռ.Սահակյանը ներգրավվել են գիտաժողովի կազմկոմիտեում:

6. Ուսանողների և դասախոսների շարժունությանը նպաստելու և հետագա ֆինանսավորում ստանալու նպատակով բաժինը լրացրել է դիմում-հայտեր երվրամիութային բազում համալսարանների հետ, որի արդյունքում հաջողվել է ֆինանսավորում ստանալ և շարժություն իրականացնել հետևյալ համալսարանների հետ.

1. Ռուսեի Անգել Կանչևի անվան համալսարան (Բուլղարիա),
2. Գրանադայի համալսարան (Իսպանիա),
3. Ալեքսանդրու Իոան Կուզայի անվան համալսարան (Ռումինիա)
4. Պորտուի համալսարան (Պորտուգալիա)
5. Լինշյուպինգի համալսարան (Շվեդիա)
6. Ֆրիդրիխ Ալեքսանդրի Նյուրնբերգ-Էրլանգեն (Գերմանիա)
7. Պոզնանի Ադամ Միցկևիչի անվան համալսարան (Լեհաստան)

Ներքոնշյալ դիագրամով ներկայացված են 2013-14 ուստարվանից մինչև 2018-19 ուստարվա առաջին կիսամյակի ուսանողների և դասախոսների շարժունության արդյունքները: Վերջին տարիների տվյալներով նկատվում է ուսանողների թվի նվազում և աշխատակիցների թվի ավելացում: Դրա պատճառը պայմանավորված է այն հանգամանքով,

որ Էրազմուս Մունդուս ծրագրի նախագծերի ժամանակ առավելությունը տրվում էր ուսանողների շարժունությանը, իսկ Էրազմուս+ երկկողմանի պայմանագրերով ԵՄ բուհերը առավելությունը տալիս են ներգնա և արտագնա դասավանդող և վարչական աշխատակազմի անդամների շարժունության խթանմանը:



Այս տարի մեծ առաջընթաց է նկատվել բուհի դասավանդող աշխատակազմի ուղղությամբ. ՎՊՀ-ից դասավանդելու նպատակով ԵՄ բուհեր են մեկնել օտար լեզուների ամբիոնի վարիչ Լուսիկ Վարդանյանը, նույն ամբիոնի դոցենտ Լիլիթ Սարուխանյանը և փիլիսոփայության ամբիոնի դոցենտ Քրիստինե Ղազարյանը: Այս ուստարվա երկրորդ կիսամյակում դասավանդման նպատակով ևս չորս դասախոսական անձնակազմի անդամներ հնարավորություն կունենան դասավանդելու ԵՄ գործընկեր բուհերում, ինչը բավականին լուրջ առաջընթաց է ՎՊՀ-ի միջազգայնացմանը նպաստող գործունեության համար:

Այս տարի ՎՊՀ-ում հյուրընկալվել են 3 դասավանդող և 4 վարչական աշխատակազմի անդամներ, որոնց շնորհիվ առավել սերտանում են ԵՄ բուհերի հետ համագործակցության հնարավորությունները և քննարկվում հետագա համատեղ հետազոտություններ կատարելու հնարավորությունները, նախագծվում են հնարավոր համագործակցության ուղղությունները:

Բաժինը աջակցություն է ցուցաբերել շարժունությամբ ուսումնառող ուսանողների վիզայի և ուսումնառության համաձայնագրերի պատրաստման գործում:

Շարժունությամբ ժամանող և մեկնող դասախոսներին նույնպես տրամադրվել է աջակցություն բուհում անցկացվելիք միջոցառումների կազմակերպման, ժամանակացույցի պատրաստման և տեղեկատվության տրամադրման հարցերով:

Արտասահմանյան փորձը տարածելու նպատակով բաժինը կազմակերպել է հանդիպումներ ԵՄ բուհերում շարժունությամբ ուսումնառություն ստացած բուհի ուսանողների հետ, որի ընթացքում նրանք բուհի այլ ուսանողներին ներկայացրել են արտերկրում ունեցած իրենց փորձառության, դասավանդման մակարդակի, ծագած

դժվարությունների և խնդիրների վերաբերյալ՝ փորձելով նոր դիմող ուսանողներին առավել ծանոթացնել արտերկրում իրականացվող ուսումնառության վերաբերյալ:

7. Շարժունության նոր երկկողմանի պայմանագրեր են կնքվել Լեհաստանի Կվիձին քաղաքի Պովիլանական, Բուլդարիայի Ալգել Կանչևի և Էստոնիայի Տալլինի տեխնոլոգիական համալսարանների միջև: Էստոնիայի Տարտուի, Նորվեգիայի հարավարևելյան, Լեհաստանի Սլուպսկի և Գդանսկի համալսարանների հետ տարվում են բանակցություններ և ակնկալվում է դրական պատասխան:

8. Գիտահետազոտական և շարժունության խթանման նպատակով կնքվել են համագործակցության պայմանագրեր ՌԴ-ի Կրասնոդարի մարկետինգի ակադեմիայի, Մակաուի գիտությունների և տեխնոլոգիայի, Լեհաստանի Սլուպսկի պոմերանական և Գդանսկի համալսարանների հետ, որը ենթադրում է գիտահետազոտական և համատեղ ուսուցման համագործակցություն երկու բուհերի միջև:

Ամփոփելով համագործակցության և կապերի բաժնի հաշվետվությունը՝ ցանկանում ենք նշել որոշ դեռևս չլուծված խնդիրների կարգավորման ուղիները և բուհի միջազգայնացման գործընթացին խոչընդոտող հանգամանքները.

- Համագործակցության և կապերի բաժինը կարիք ունի մարդկային ռեսուրսների համալրման, ինչը կնպաստի բաժնի և հատկապես բուհի միջազգային գործունեության առավել արդյունավետ համակարգմանը, գրանտային նոր նախագծերի հայտադիմումների ներկայացմանը և բուհի ֆանդռեյզինգի գործընթացին:

- Բուհի սահմանափակ ֆինանսական միջոցների պատճառով բուհը չունի հնարավորություն նպաստելու արտագնա և ներգնա շարժունության գործընթացին, ինչը առավել արդյունավետ կլիներ ՎՊՀ-ի միջազգայնացման ռազմավարական պլանի իրականացման համար:

- Անգլերեն լեզվով դասավանդվող առարկաների սակավ քանակի պատճառով դեռևս կան դժվարություններ հյուրընկալելու և արդյունավետ կազմակերպելու ուսանողների շարժունությունը որպես ընդունող կողմ: Թեև արդեն լուրջ քայլեր են ձեռնարկվում այդ ուղղությամբ և կազմակերպվում են դասավարդող աշխատակազմի օտար լեզվի բարելավման դասընթացներ, սակայն դեռևս կան բազում խոչընդոտներ. հարկ է կազմակերպել այնպիսի օտարալեզու դասընթացներ, որոնք կարող են համապատասխանել արտասահմանյան բուհերի կողմից առաջադրվող պահանջներին, բարելավել բուհի ենթակառուցվածքը արտասահմանցի ուսանողներին հյուրընկալելու նպատակով, և այլն:

- Հայաստանյան բուհերի միջազգայնացման գործընթացի խթանման համար մեծ խոչընդոտ է հանդիսանում դեռևս չհաստատված ազգային միջազգայնացման ռազմավարությունը, որի հաստատման արդյունքում բուհերի ինստիտուցիոնալ միջազգային ռազմավարական պլաններն առավել արդյունավետ գործարկման ընթացք կստանան: ԿԳ նախարարության կողմից անհրաժեշտ են ՀՀ բուհերի միջազգայնացմանը նպաստող մեխանիզմներ, օտարալեզու կրթական ծրագրեր իրականացնելու հնարավորության ընձեռում և այլ քայլեր:

- Անհրաժեշտ է Եվրոպական երկրներ մեկնող նախագծերի մասնակիցների և շարժունության մեկնող աշխատակազմի անդամների համար խրախուսման մեխանիզմների

մշակումը, որպեսզի նրանք ձեռնամուխ լինեն նոր նախագծերի և համագործակցային նոր կապերի ընդլայնման գործընթացին:

- Նպատակահարմար է նաև բաժնին տրամադրել առանձին տարածք, որտեղ կկազմակերպվեն բոլոր միջազգային հանդիպումները և խորհրդատվությունները, քանի որ այս բաժնի գործառույթներից է նաև ուսանողների և աշխատակիցների խորհրդատվությունը, տեղեկատվության տրամադրումն ու տարածումը, միջազգայնացմանը նպաստող միջոցառումների նախաձեռնումն է:

Համագործակցության և կապերի բաժնի վարիչ՝

Գոհար Դոխոյան

24.12.2018թ.